

## EVANS, WILLIAM (1779 - 1854), gweinidog Wesleaidd

**Enw:** William Evans  
**Dyddiad geni:** 1779  
**Dyddiad marw:** 1854  
**Plentyn:** Adam Evans  
**Rhyw:** Gwryw  
**Galwedigaeth:** gweinidog Wesleaidd  
**Maes gweithgaredd:** Crefydd  
**Awdur:** Griffith Thomas Roberts

Ganwyd 25 Hydref 1779 yng Nghaernarfon. Bu ei dad farw cyn ei eni, a gofaliwyd am addysg iddo ym Miwmares gan deulu ei fam (merch Pant Hywel, Llandegfan). Bu'n eillydd yn Amlwch a Chaernarfon, ac aeth i'r weinidogaeth yn 1806, a theithiodd ar gylchdeithiau Caerdydd (1806), Llangollen (1807), Llanrwst (1809), Pwllheli (1810), Holywell (1812), Biwmares (1814), Rhuthun (1816), Llanfyllin (1818), Machynlleth (1821), Llanfaircaereinion (1824), Pwllheli (1826), Dolgellau (1828), Caernarfon (1831 - blwyddyn helynt 'y Wesle bach'), Llandysul (1832), Crughywel (1835), Abertawy (1837), Merthyr (1840), a Machynlleth (1843). Ymneilltuodd yn 1844, ac ymsefydlu ym Machynlleth, lle y bu farw 30 Gorffennaf 1854. Mab iddo oedd ADAM EVANS, argraffydd a chyhoeddwr, Machynlleth. Bu'n ysgrifennydd ei dalaith (1812-24, 1827-32) ac yn olygydd yr *Eurgrawn Wesleyaidd* (1824-5). Ysgrifennodd *Hanes Bywyd a Marwolaeth y Parch. E. Jones, Bathafarn*, 1850, a llyfrau 'dadleugar' - *Ymddiffynnydd y Gwir*, 1822; *Traethawd yn erbyn yr Athrawiaeth o Barhad Diamodol mewn Gras*, 1839; *Amddiffyniad i Ddysgyblaeth y Methodistiaid Wesleyaidd* (1850), ac eraill.

### Awdur

Y Parchedig Griffith Thomas Roberts, (1887 - 1977)

### Ffynonellau

*Yr Eurgrawn Wesleyaidd*, 1856, passim

Hugh Jones, *Hanes Wesleyaeth Gymreig* (1911-3), ii, 766-71

J. Jones, *Y Bywgraffydd Wesleyaidd yn cynwys bras-hanes am un a thriugain o weinidogion Wesleyaidd Cymreig yn nghyda 35 o weinidogion a gwyr lleyg Saesonig* (Machynlleth 1866), 89-91

### Dolenni Ychwanegol

Wikidata: [Q20734609](https://www.wikidata.org/wiki/Q20734609)

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

